

minatur corpori, dum spiritus incendit & cor simul inflam-  
mat.

RES PRÆTER NATURAM. Dolor hypochondriorum  
t. 31. & dolor crudelis ventris t. 130. coar. præm. causum reddunt  
malignum & ferè lethalem.

RECIDIVA si fiat ardens, & reliquias materiæ de priori  
morbo participet superfluas, eadem est cum morbo radicali  
priori, cui successit. Pejor est suâ radice, ob majorem ma-  
lignitatem, quam contraxit materia. Nonnunquam mitior  
esse solet ob fomitis paucitatem, & citò ægrum derelinquit.

MAGNITUDO hujus febris annunciat periculum, cum  
ætati, consuetudini, temporibus anni non est familiaris, se-  
cundùm *sphor. 24. libr. 2.* Periculosissima evadit, cum gravia,  
secum trahit symptomata, & malignitatem habet conjun-  
ctam.

SIMILITUDINE cognoscitur ardens lethalis. Ita non ita  
pridem causò laborans malignò convulsivis motibus & epile-  
pticis insultibus supervenientibus mundo valedicebat. Alius si  
infestetur ejusmodi symptomatibus, idem de eò ferendum  
judicium.

## CAPUT XXX

### signa longitudinis & brevitatis adfert.

PRædictio longitudinis & brevitatis desumitur *ab essentiali-  
ter inherentibus.* Species hujus morbi brevem morbum es-  
se significat. Acutus morbus omnis brevis. *ὀξύτατος*, acu-  
tissimus & idcirco brevissimus morbus est febris ardens.  
Nam ex eorum est genere, quorum vehementiam natura diù  
tolerare non potest, sed brevi aut natura vincit & molestam  
causam excutit, aut natura victa succumbit.

Brevitas cognoscitur ex testimoniò Hippocratico *libro 1,  
de morbis, καυσῶταχέως κείναι.* *Ardens celeriter judicat.* Le-  
gitima & *κατόξυς ἢ λίαν ὀξύς* ante septimum diem terminari,

H<sub>2</sub>

raró.